## VEBAPLIKACIJA ZA VOĐENJE EVIDENCIJE O RAČUNARSKOJ OPREMI

Korisničko uputstvo

# Sadržaj


Pristup Elektronskoj evidenciji računarske opreme	3
Moduli Elektronske evidencije računarske opreme	3
Modul "Zaposleni – Zaduživanje/razduživanje"	5
Modul "Oprema"	
Modul "Izvještaji"	
Moduli "Tip/ proizvođač opreme" i "Kancelarija/organizaciona jedinica"	7
Modul "Administracija korisnika"	7
Lista slika	
Slika 1. Login forma	3
Slika 2. Prikaz modula "Zaposleni – Zaduživanje/razduživanje opreme"	4
Slika 3. Zaduživanje/razduživanje opreme i štampanje reversa	5
Slika 4. Prikaz modula "Oprema"	6
Slika 5. Prikaz modula "Izvještaji"	6

## Pristup Elektronskoj evidenciji računarske opreme

Elektronska evidencija računarske opreme je prilagodljiva, veb bazirana aplikacija koja omogućava pregled, unos, izmjenu i brisanje podataka vezanih za računarsku opremu, kao i za zaposlene, te koja pruža mogućnost zaduživanja i razduživanja opreme zaposlenim i generisanje izvještaja.

Da bi korisnik pristupio Elektronskoj evidenciji računarske opreme, mora da ima kreiran korisnički nalog koji se sastoji od korisničkog imena i korisničke lozinke.

Na slici 1. prikazana je login forma za pristup Elektronskoj evidenciji računarske opreme.



Slika 1. Login forma

Nakon što korisnik unese ispravno korisničko ime i korisničku lozinku, može da pristupi modulima Elektronske evidencije računarske opreme u skladu sa pravima pristupa koje mu je administrator Elektronske evidencije računarske opreme dodijelio.

Ukoliko korisnik unese pogrešno korisničko ime ili korisničku lozinku, prikazaće se poruka: "Neispravno korisničko ime ili lozinka.".

#### Moduli Elektronske evidencije računarske opreme

Elektronska evidencija računarske opreme se sastoji iz sljedećih modula:

- Zaposleni Zaduživanje/razduživanje
- Oprema
- Izvještaji
- Tip/proizvođač opreme
- Kancelarija/organizaciona jedinica
- Administracija korisnika

U Elektronskoj evidenciji računarske opreme postoje dva prava pristupa:


Administrator – može da pristupa svim modulima

Korisnik – može da pristupi modulima: Zaposleni – Zaduživanje/razduživanje, Oprema i Izvještaji

### Modul "Zaposleni – Zaduživanje/razduživanje"

Kao što je prikazano na slici 2. modul "Zaposleni – Zaduživanje/razduživanje" omogućava sljedeće:

- 1. Unos podataka o zaposlenim;
- 2. Grafički prikaz broja zaposlenih po organizacionim jedinicama;
- 3. Pretragu zaposlenih po imenu i prezimenu;
- 4. Pregled podataka o zaposlenim;
- 5. Izmjenu podataka o zaposlenim;
- 6. Zaduživanje, razduživanje opreme zaposlenim i štampanje reversa zaduženja i reversa razduženja;
- 7. Brisanje podataka o zaposlenim.



Slika 2. Prikaz modula "Zaposleni – Zaduživanje/razduživanje opreme"

Klikom na dugme "Zaduživanje/Razduživanje opreme" – dio 6. na slici 2, otvara se modalni dijalog (slika 3.) koji prikazuje listu slobodne opreme (dio 1. na slici 3.), kao i listu opreme koju je odabrani zaposleni zadužio (dio 2. na slici 3.).



Slika 3. Zaduživanje/razduživanje opreme i štampanje reversa

Iznad tabele sa listom slobodne opreme nalazi se polje koje omogućava brzu pretragu slobodne opreme po svim kolonama - dio 3. na slici 3.

Da bi se zaposleni zadužio opremom, potrebno je odabrati, odnosno čekirati opremu koju je potrebno zadužiti zaposlenom (dio 4. na slici 3.), te kliknuti na dugme "Zaduži zaposlenog odabranom opremom".

Nakon toga, u tabeli "Lista opreme koju je zaposleni zadužio", prikazivaće se oprema koja je u prethodnom koraku dodata.


Za generisanje reversa zaduženja potrebno je čekirati opremu iz liste opreme koju je zaposleni zadužio (dio 5. na slici 3.), te kliknuti na dugme "Štampaj revers zaduženja". U novom tabu će se otvoriti PDF dokument, odnosno revers zaduženja sa podacima o zaposlenom koji je zadužio opremu, te detaljima vezanim za zaduženu opremu.

Da bi se zaposleni razdužio sa opremom, potrebno je čekirati opremu iz liste opreme koju je zaposleni zadužio, te kliknuti na dugme "Razduži opremu i štampaj revers". Tada se zaposleni razdužuje sa odabranom opremom, a u novom tabu se otvara PDF dokument, odnosno revers razduženja sa podacima o zaposlenom koji je razdužio opremu, te detaljima vezanim za razduženu opremu.

#### Modul "Oprema"

Kao što je prikazano na slici 4, modul "Oprema" omogućava sljedeće:

- 1. Unos podataka o opremi;
- 2. Grafički prikaz opreme po tipovima;
- 3. Pretragu opreme po inventurnom i serijskom broju;
- 4. Pregled podataka o opremi;
- 5. Izmjenu podataka o opremi;
- 6. Brisanje podataka o opremi.




Slika 4. Prikaz modula "Oprema"

#### Modul "Izvještaji"

Modul "Izvještaji" omogućava generisanje sljedećih izvještaja:

- Izvještaji o zaduženoj opremi po organizacionim jedinicama;
- Izvještaji o zaduženoj opremi po kancelarijama;
- Izvještaji o zaduženoj opremi po zaposlenim;
- Izvještaj o slobodnoj opremi.

Na slici 5. prikazan je izgled modula "Izvještaji".



Slika 5. Prikaz modula "Izvještaji"

Ukoliko se u dijelu "Izvještaji o zaduženoj opremi po organizacionim jedinicama" u padajućoj listi ne odabere organizaciona jedinica, nego se odmah klikne na dugme "Izvještaj po organizacionim jedinicama", generisaće se izvještaj po svim organizacionim jedinicama.

Isto važi i za izvještaje po kancelarijama i za izvještaje po zaposlenim.

#### Moduli "Tip/ proizvođač opreme" i "Kancelarija/organizaciona jedinica"

Moduli "Tip/ proizvođač opreme" i "Kancelarija/organizaciona jedinica" služe za administraciju sljedećih šifarnika:

- Tip opreme
- Proizvođač opreme
- Kancelarija
- Organizaciona jedinica

Putem aplikacije je omogućen pregled, unos, izmjena i brisanje gore navedenih šifarnika.

## Modul "Administracija korisnika"

U okviru modula "Administracija korisnika" omogućen je pregled, kreiranje, izmjena, brisanje korisničkih naloga, kao i promjena korisničke lozinke.